



UNIVERSITÄTS-  
BIBLIOTHEK  
PADERBORN

## **Variorum In Europa Itinerum Deliciae**

**Chyträus, Nathan**

**[Herborn], 1599**

**VD16 C 2803**

Pisana.

---

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

## CENTUM CELLIS.

Pius Papa v. P. M. hanc turrim S. Michaëlis, cum aliis  
xv. in littore maris pro communi securitate á fundamen-  
tis erigi & muniri mandavit. An. 1569.



## P I S A N A.

## I N P I S A S.

*Pisa vetus, victi spoliis Orientis onusta,*

*Invidia armavi livida tela trucis.*

*Sic nocuit vicisse, aliis sic vicimus ergo.*

*Sic res est humili tutior arcta loco.*

*Mortales sperate vices, nec credite Fatis.*

*Nam quod nos aliis, illa dedere mihi.*

## I N S C R I P T I O N E S

## P I S A N Æ.

## TUMULUS HENRICI VII. IMP.

Hoc in sarcophago non quidem spernendo, Henrici  
olim Lucenburgensis Comitis, & post hæc septimi ejus  
nominis Rom. Imp. ossa continentur, quæ secundo post  
ejus fatum anno, videlicet 1315, die veró 25. Sextil. Pisas  
translata summo cum honore fuere, hoc in fano ad hanc  
usq; diem collocata permansere.

*Quidquid facimus, venit ex alto.*

## A L I U D.

*En Catacusinus jacet hic Demetrius heros,*

*Martis honos Graji gloria magna soli.*

*Æacides alius, Pylus quoq; & alter Ulysses,*

*Florentinorum praesidiumq; ducis.*

P R O P E P I S A S V I A F L O R E N -

*tina in ponte.*

*Siccitati paludum, agrorum cultui, cæli salubritati con-*

fulens Cosmus Medices, Florentiæ & Senarum Dux, à  
partu virg. Anno 1558. Cal. Novemb.

## I N C A M P O S A N C T O.

Philippus Decius, siue de Dexio Mediolanensis J. C. ce-  
lebri fama notiss. cum primum locum studii in Jure Ca-  
nonico & Civili tenuisset, Pisis, Senis, Florentiæ, Paduæ,  
Papiæ, & demum ultra montes in Gallia, revocatus in Ita-  
liam ab excelsa Florentinorum Rep. posteaquam stipen-  
dium 1500. aureorum in auro pro lectura consecutus fu-  
isset; de morte cogitans, hoc sepulcrum sibi fabricari cura-  
vit, ne posteris suis crederet.

I N H A N C I N S C R I P T I O N E M D E C I I  
epigramma Jani Vitalis.

*Dum curat Decius sibi sepulcrum  
Clarum marmore ponere eleganti,  
Inscripsit titulos ineruditos,  
Ut risum magis excitare possint,  
Quam laudare hominem undecumq; clarum:  
Quod si non sibi cultius sepulcrum  
Quam doctos titulos & elegantes  
Curasset, modò molliùs jaceret.*

## I N S U M M O T E M P L O.

Imp. Federici III. Leonoram, Portus Galliæ regis fili-  
am, conjugem, excipiente Wladislao Duce Slesia, Steria,  
ac Domino Texinensi comitante; invento hoc suæ anti-  
quitate tumulo, innovata sunt hæc insignia. Anno Do-  
mini M. CCCC. LII. IIII. Id. Febr.

## A L I U D.

Matt. Curtio Ticinensi, qui Hippocratis Galeniq; viri-  
dex, salutis augurium egit, medicinamque exercendo &  
docendo, ipse valens semper, excoluit; monumentū hoc  
amplius quam F. F. T. P. I. Cosmus Med. Florentiæ Dux  
II. ære suo R. C. An. 1564. Vix. ann. LXX.

Ἀγαθὴ ὑγίεια ἀλεξιπόση. ἱερὸν καὶ χαράσιον πύρ.

A L I U D.

## A L I B I.

*Matthia regis posita hæc sunt ossa, probant quem  
Fata fuisse hominem, facta fuisse Deum.*

## IN ÆDIB. MILITIÆ S. STEPHANI.

Cof. Med. Flor. & Sen. Dux II. sacram D. Stephani militiam, Christianæ pietatis, & virtutis bellicę domicilium fundavit. Anno Christi M. D. LXI.

## IN CAMPO SANCTO.

## D. O. M.

Franciscus ill. gentis, nomine olim Sanseverinus, posteaquam ejus majores stuprum per vim oblatum ulti, occiso Regis filio, Neapoli Pisas migrarunt, ex fuga, Martius Jureconsult. Canonicus Pisanus, Eques pius, gentis suæ solus superstes S. P. Kal. Mart. M. D. LXXIX.

Gregorius XIII. Pont. Opt. Max. Patr. Bononien. antea vocatus Ugo de Boncampagnis, Pontificii & Cæsarei Juris consultiss. in cathedra interpret eximius: in foro Judex integerrimus: in Synodo Tridentina Catholicę fidei Præful studiosiss. in Senatu Cardinalis graviss. in omni vitæ gradu eodem tenore probitatis, prudentiæ, & humanitatis, nec non constantis & moderati animi fama præclarus: Joanni de Boncampagnis fratri patrueli J. C. præstantiss. probatiss. moribus, eximia pietate, omnibus deniq; animi dotibus ornatiss. Pisis cum primo loco max. celebritate Jus interpretaretur, an. æt. suæ XLI. Sal. hu. 1544. extincto, hoc ad retinendū jucundiss. agnationis memoriam, fieri mandavit. An. sal. 1575. Pontific. III.

## SEPULCRUM NICODEMI.

Gamalielis, Nicodemi & Abidæ, patris, filii ac nepotis, ut Ecclesia docet, civium terrenæ ac cælestis Jerusalem, felici tempore Pisanorum traducta corpora, marmore sub novato conduntur.

## D. O. M.

Bartholomæo Medici, Cēturioni fortiss. qui cū multa multis in bellis præclara facinora edidisset, à Cosmo Medice Florentinorum Duce Aretii primū, mox Pisis tuendæ arci præf. est. Ibi cū se strenuè fideliterq; gereret, incredibili suorum mœrore ob. annos natus 54. m. 4. d. 14. An. 1555. Kal. Decemb. Alexandra Bartholomæa, uxor mœstiss. viro optimè de se m. volens p. ann. 1573. Cosmo Medice magno Hetruriæ Duce imperante.

BAPTISTERII S. JOANNIS  
antiqua epigraphe.

*An. Dn. 1246. sub Jacobo rectorē loci, Guido Pegarelli fecit opus hoc, quo gaudia celi  
Dat baptizatis totius fons bonitatis.  
Et qui tam miro lavacro pia dona dedere,  
Et qui consilium, precor hos Baptista tuere  
Per Dominum Christum, fontem qui protegat istum.*

## I N B E N E D I C T I.

## D. O. M.

Scisne viator? hos esse cineres Antonii Florentini, Philosophi suæ ætatis minimè secundi, Philosophiam hoc in gymnasio publicè profitentis: qui dum annū ageret LII. proh dolor, bonorum cum lacrymis, obiit II. Id. Sextil. M. Bartholomæus Paciatetus Florentinus amico opt. P. M. D. LIII.

## A N O N Y M I.

*Dum parat hic studiis Astræam inducere mundo,  
Astræa infertur raptus amore polo.*

ALIBI SUB PICTURA SACRIFICII ABELIS  
& Caini, ille hunc hoc versu compellat.

*Sacrum pingue dabo: non macrum sacrificabo.*

Cainus verò respondens Abelo, hexametrum hunc retrorsum legendo, sic in pentametrum commutat.

*Sacrificabo macrum: non dabo pingue sacrum.*

## IN CATHEDRALI.

*Quod vix mille bouum possent juga juncta movere,  
Et quod vix potuit per mare ferre ratis:  
Busketi nisu, quod erat mirabile visu,  
Dena puellarum turba levabat onus.*

## I B I D E M.

*Si probitas, sensus, virtutum gratia, census,  
Nobilitas orti, possent resistere morti;  
Non foret extinctus hic præsul, qui jacet intus.  
Iidem versus Panormi Siciliae urbe, in sepulchro  
Friderici II. Imp. legi perhibentur: pro præ-  
sule hoc legendo, FRIDERICUS.*

## IN CAMPO SANCTO.

*Quid spectas volucres, pisces, & monstra ferarum,  
Et virides sylvas, at hercasq; domos?  
Et pueros, juvenes, matres, canosq; parentes,  
Quis semper vivum spirat in orbe decus.  
Non hac tam variis finxit simulacra figuris  
Natura ingenio factibus apta suo:  
Est opus artificis, pinxit viva ora Benozus.  
O superi viros fundite in ora sonos.*



## V E R O N E N S I A.

IN VERONAM JUL. CÆS.  
SCALIGER.

**I**Talia canimus semper florentis ocellum,  
Calliope nequeat grandius ulla loqui.  
Aucta Deis, auctura poli Verona Quirites:  
Quot cives, tot habens sidera digna Jove.  
Non animi, non ingenii vigor acrior usquam.  
Nulla creat plures Martia terra duces.  
Transferre in calum voluit sibi Juppiter. Atqui  
Clavior in nostris maluit esse locis.

P iiiij